

Na osnovu člana 61. Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj: 15/22), Nastavničko vijeće JU OŠ "Velešićki heroji" Sarajevo, na sjednici održanoj dana 15.03.2023. godine, usvaja

ETIČKI KODEKS ŠKOLE U PRIRODI ZA UČENIKE IV RAZREDA U ŠKOLSKOJ 2022/2023. GODINI

Odredbe	Izrada sadržaja
PRAVILA I OBAVEZE PONAŠANJA UČESNIKA U ŠKOLI U PRIRODI	– Razvijati pravilan odnos prema prirodnoj sredini i drugim ljudima – Usvajati pozitivne higijenske navike – Razvijati pravila lijepog ponašanja, plemenitog postupanja prema ljudima iz okruženje koje će se posjetiti u toku Škole u prirodi – Njegovati pozitivan odnos prema prirodnim i kulturnim znamenitostima sa kojima će se susretati, sticati ekološke navike – Voditi računa da u novom ambijentu niko nije sam i da svi imaju ista prava, obaveze i svoje potrebe – Učenici su obavezni informisati nastavnike o svakoj aktivnosti i neće se upuštati ni u kakve aktivnosti bez dopuštenja nastavnika – Obaveza i odgovornost nastavnika koji realiziraju Školu u prirodi je nadzor nad učenicima, kojima trebaju biti na raspolaganju – Utvrditi pravila odijevanja, kao dio pripreme za istraživanje u prirodi, koja se odnosi na izbor odgovarajuće odjeće i obuće koja je komotna i pokriva/štiti tijelo – Obaveza i odgovornost nastavnika je preventivno djelovanje u smislu zaštite učenika od socijalno neprihvatljivih oblika ponašanja, ugrožavanja, i svih oblika nasilja sa posebnim osvrtnom na vršnjačko nasilje
PRAVILA MEĐUSOBNE KOMUNIKACIJE	– Poticati samostalnost učenika, njegovu samokritičnost, jačati samopouzdanje i učenika voditi na putu sazrijevanja – Poticati samostalnu i slobodnu komunikaciju sa nastavnicima predstavnicima Agencije, hotelskim i ugostiteljskim osobljem i svim drugim licima sa kojima stupaju u komunikaciju – Podsticati i ispoljavati pozitivne emocionalne doživljaje – Osposobljavati učenike za ostvarivanje osnovnih ljudskih potreba izvan porodice – Učenici/ce su dužni da se prema drugim učesnicima ekskurzije, odnosno učenicima odnose na način kojim se oni neće osjetiti ugroženi, diskriminirani po bilo kom osnovu, te ugroženi na bilo koji način: verbalno, psihološki ili fizički
PRAVILA SIGURNOSTI I ZAŠTITE OD SOCIJALNO NEPRIHVATLJIVIH OBLIKA PONAŠANJA	– Podsticati učenike da traže pomoć ako su fizički i emocionalno uznemiravani ili ako su zanemarivani – Osigurati stalni nadzor nastavnika – Ostvarivanje kontakata sa drugim licima će biti isključivo u prisustvu nastavnika – Ne dozvoliti prisustvo drugih ljudi u krugu boravka učenika – U noćnim satima objekat će biti zaključan

	– Svi učenici će biti obavješteni da svi balkoni i prozori u hotelskim sobama moraju biti zatvoreni svaku noć prije spavanja – Nastavnici će biti upoznati o specifičnostima koje se mogu javiti kod pojedinih učenika (mjesečarenje, nesanice, napadi astme itd...)
NAČIN POSTUPANJA PREMA LIČNOJ I IMOVINI DRUGIH	– Nastavnici će upoznati učenike sa načinima čuvanja svoje i tuđe imovine – Učenici/ce su obavezni koristiti predmete, namještaj, objekte, vozila uz pažnju i adekvatan oprez kako bi izbjegli nanošenje štete na istima
ZABRANA KONZUMIRANJA PIĆA I OPIJATA	– Učenicima/cama nije dozvoljeno konzumiranje duhana i duhanskih proizvoda, kao i konzumacija bilo kakvih pića koja u sebi sadrže dodatke koji utječu na promjenu raspoloženja i psihofizičkog stanja – Zabranjena je konzumacija alkohola ili opojnih sredstava bilo kojem učesniku u realizaciji aktivnosti
ZAŠTITNE MJERE OD ODLASKA UČENIKA NA NEPRIKLADNA MJESTA	– Učenicima/cama nije dozvoljen odlazak na neprikladna mjesta – Učenicima/cama nije dozvoljeno kretanje bez pratnje i izvan grupe – Učenicima/cama nije dozvoljen izlazak van predviđenog objekta nakon 20.00, osim uz opravdan razlog i uz pratnju odgovornih nosilaca aktivnosti ekskurzije
OBAVEZA O TERMINU PROVOĐENJA PREDVIĐENIH AKTIVNOSTI	– Sve aktivnosti (odlazak, povratak, posjete, šetnje...) bit će realizovane do 20:00 sati
ZABRANA IZUZIMANJA OD UČESTVOVANJA U REALIZACIJI ŠKOLE U PRIRODI	– Učenici/ce su obavezni učestvovati u realizaciji svih oblika odgojno-obrazovnog rada, osim ako su iz opravdanih razloga izuzeti iz istih uz saglasnost i pratnju odgovornih nosilaca aktivnosti tog oblika odgojno-obrazovnog rada – Nijedan učenik ili grupa se ne smije odvojiti ili udaljiti bez znanja odgovornih lica – Organizovati aktivnosti prema već utvrđenom planu i rasporedu
OBAVEZA ŠKOLE I AGENCIJE O DISKRETNOSTI PODATAKA	– Škola i Agencija se obavezuju na diskretnost podataka od strane roditelja, a vezano je za tajnost podataka o djetetu ili nekim drugim specifičnostima vezanim za dijete, kao i telefonskim brojevima koje su roditelji dali odgovornoj osobi za kontakt sa djetetom
OBAVEZA PREDUZIMANJA SVIH POTREBNIH AKTIVNOSTI U CILJU OSTVARENJA ZDRAVSTVENE I DRUGE ZAŠTITE UČENIKA	– Učenici će imati osiguranje po danu za boravak u Školi u prirodi – Imaju obavezu preduzeti sve potrebne aktivnosti u cilju ostvarivanja zdravstvene i druge zaštite učenika – Za boravak u objektu i eventualnu zdravstvenu pomoć obezbijeđeno je auto od strane Agencije koje može odvesti učenika do prve ambulante u najbližem mjestu
ZABRANA OSAMLJIVANJA BILO KOJEG UČESNIKA U REALIZACIJI AKTIVNOSTI SA MANJE OD TRI UČENIKA	– Zabranjeno je osamljivanje bilo kojeg učesnika u realizaciji aktivnosti sa manje od tri učenika – U skladu sa tim nastava se može izvoditi samo na vidnim mjestima (u prirodi, na terenima, u za nastavu predviđenim mjestima) – Sa učenicima uvijek bez obzira na predviđenu aktivnost, kao što su obilasci i edukativne posjete, treba biti zaduženi nastavnik – Učenici se neće puštati ni na koje aktivnosti bez nadzora zaduženog nastavnika

NASTAVNICI I UČESNICI ŠKOLE U PRIRODI KOJI SU UPOZNATI SA ETIČKIM KODEKSOM	– Svi učenici, roditelji i nastavnici
---	---------------------------------------

Kršenje odredbi Etičkog kodeksa ovog oblika-odgojno obrazovnog rada, iz ovog pravilnika, predstavlja osnov za pokretanje disciplinskog postupka za prekršioce (učenike i nastavno osoblje) odnosno jedan od razloga neispunjavanja minimalnih kvalifikacijskih zahtjeva za Agencije – ponuđače, član 61.stav 4 Pravilnika.

Etički kodeks stupa na snagu danom usvajanja.

Broj: 171-10/23

Sarajevo, 15.03.2023. godine

PREDSJEDAVAJUĆI NASTAVNIČKOG VIJEĆA
JU OŠ „VELEŠIĆKI HEROJI“

Kenan Trebinjac